

4

In disen spiegel sollen schowen  
 All gschlecht der mēschē man vñ frowē  
 Je eyns ich by dem andern meyn  
 Die man sint narren nit allein  
 Sunder findt man ouch nārrin vil  
 Den ich die schleyer / sturtz vnd wile  
 Mit narren kappen hie bedeck  
 Metzen hant ouch an narren rōck  
 Sie wellen yetz tragen on das  
 Was ettwan mannen schāntlich was /  
 Spitz schū / vnd vßgeschnyttten rōck  
 Das man den milchmerck nit bedeck  
 Wicklen vil hudlen in die zōpff  
 Groß hörner machen vff die kōpff  
 Als ob es wer ein grosser stier  
 Sie gānd har wie die wilden thier /  
 Doch sollen erber frowen mir  
 Verzyhen / dann ich gantz nit jr  
 Bedencken zū keym argen wyl  
 Den bösen ist doch nit zū vil  
 Der selben man ein teil hie syndt  
 Die jnn dem narren schiff ouch syndt  
 Dar vmb mit flyß sich yedes sūch  
 Syndt eß sich nit in dysem büch .  
 So mag es sprechen / das es sy  
 Der kappen vnd des kolben fry  
 Meint yemant das ich jnn nit rū  
 Der gang zūn wysen für die thür  
 Vnd lyd sich / vnd sy güter dyng  
 Byß ich ein kapp von Franckfurt bryng  
 a.iiij.